

皇明文衡

四

皇明文衡卷之七十二

神道碑

安定侯程忠愍公神道碑

朱善

初

皇帝念於卯歲南昌暨康郎山前後死節之臣追爵故萬戶程國勝安定伯與梁國公趙德勝濟陽郡公丁晉卿等一體廟祀久之又定元功配享

仁祖淳皇帝廟庭諸外有廟食者亦皆賜諡加勳遣使致祭有未備禮以葬者官為給之仍敕史臣勅功於神道之碑於是安定伯之兄吉輔以公嘗駐兵富陽愛其地而公族人之在杭者適獻兆于縣西長山之原乃自南昌遷廬而窆焉臣善謹奉 詔上故贈開國輔運推誠宣力武臣榮祿大夫桂國安定忠愍侯事曰公諱國勝姓程氏世居徽之休寧初名元佐既從軍

上改賜今名其先本陳鎮西將軍開府儀同三司忠壯公靈洗之後忠壯當侯景之亂保擇州里有功其子散騎常侍威悼公文季死節于周父子廟食于徽號曰世忠威悼之後其顯于南者唐御史中丞歙州刺史鄭澤嘗起鄉兵拒黃巢有忠壯之風于南節居休寧陪郭甚盛其顯于北者唐六令大辯徙中山再徙河南生明道伊川兩夫子靖康末子孫從渡江居池州再遷徽州陪郭之程互繼其絕譜牒具存可考也公會祖榮秀仕元為江浙等處儒學提舉妣劉氏追封彭城縣君祖文貴宣義郎饒州路德興縣銅冶場提領妣鄭氏封安人考社至正末用薦為承奉班都知不赴妣吳氏公生

而英偉身長八尺美鬚髯見者知非常人方元政喪所在兵起公慨然思以自見于世乃與縣人俞茂葵源人汪同等團結鄉兵以拒寇亂歲丁酉

天兵下徽州衛國公鄧愈發同與公等詣京師

上大悅命同還守婺源而以公等從征伐衛公奏署公為總管府先鋒分兵與裨將李克當等徇下方山諸寨是歲十月苗軍楊完者部兵十萬薄徽州衛公擐勇敢士往當之咸推公公率百餘人橫戈鼓譟衛之衆皆辟易自相枕藉而統軍胡大海之兵適至因覆其營生禽其特胡辛等二百人楊完者僅以身免以功遷管軍總管戊戌正月從擊帖木兒普化元帥營于婺源正兵方與之戰公率諸奇兵擣之遂殺帖木兒普化俘士卒千餘人三月從攻嚴州道遇長鎗謝元帥軍戰却之遂拔嚴州五月偽吳張士誠與楊完者合兵犯嚴州公敗其舟師于東門迨至大浪難流矢中股引刀出鏃復戰勇氣彌厲以功進領軍先鋒己亥五月從衛公畧浙以臨安大破張寇于開林寨庚子七月鄒陽院判于光左丞俞樞擊走偽漢守將辛甲而據之衛公使公往說二人二人遂以饒州來附饒州鄒湖而偽漢主陳友諒方據江州數遣舟師來爭衛公與光樞連長營拒之今公結陣敵壘之後絕其歸路賊屢不得志乃引去八月領兵取浮梁偽參政鄧邦佐棄城走進趨樂平偽總管蕭乙率五千人營于險隘衆莫敢先登公以死士持挺魚雷奮擊之奪其壘以入生禽萬戶彭壽等百人遂取樂平進攻江西十月衛公駐兵臨川之平塘時鄧克明據撫州遣使通款而實無降意公贊衛公卷甲夜趨比

已入其軍克明單騎遁去遂取撫州以功除管軍萬戶壬寅正月

上親討友諒于江州友諒敗走公從衛公以兵會南昌分定屬邑癸卯四月有詔

皇姪以大都督總諸將友諒益發境內兵以巨艦來攻

皇姪分兵拒守公守寺步門寇犯之與戰虜其將一人寇兵

奪氣而潰相拒凡八十五日寇兵戴竹盾如箕進薄撫州門

城壕三十餘丈衛公以火銃擊退之隨立木柵敵奮來爭且

戰且築通夕城完公乃與牛海龍乘夜引兵劫賊營海龍爲

流矢所中以死公泗水得脫見

上於金陵具言危困之狀

上得公驚喜進陞萬戶上發舟師二十萬自將之令公率親

兵宿衛帳下與友諒大戰康郎山友諒驍將張定邊奮前直

犯御舟舟適膠淺公仗劍叱之急與張前左副指揮使韓

城水軍元帥陳兆先駕飛舸左右奮擊會鄂國常公從傍射

中定邊號國俞公疾糧來獲舟進水湧御舟遂脫而公等

反還敵艦之後援兵不接力戰死之時七月戊子也

上聞爲之撫膺大慟親爲文以奠焉公春秋僅三十有一配

汪氏亦死于難追封安定侯夫人公平生喜讀書慕節義居

家孝友凡運籌決勝之方不學而能每戰踴躍率先赴敵矢

石交下意氣自如堅城名寨身至力取一軍無不下之者

上悉其名故有賞資錦衣名馬必先一軍嗚呼癸卯距今蓋

二十五年矣當草昧之時羣雄角逐雖天眷

真主昇之爪牙宣力之臣以佐大業而公等委身効命之死

不悔卒之勲載盟府與古英烈之士儔美齊名其高識絕見

則亦有非偶然者矣仰惟

皇上撥忠酬勲度越前古恩禮之頒不一而足又將次第討

論舉行世祿之典書之簡牘垂之後昆實足以勸千萬世爲

人臣者乃序其事而繫之以銘銘曰

魏魏我

皇天錫神武龍興江淮以復平土南征北伐拯世之屯穩虎

之臣疏附駁奔有偉程公萬夫之勇世忠之孫不震不隳維

時江浙奉爲蓋叢大編東來仗劍以從始佐元戎有聲幕府

遂督偏師執敢予侮苗電鷁張臂彼長鎗公出戎行其鋒莫

當儼嚴底平饒撫亦下鯨鱗蔽江牙旗載馮西徇臨安以蹴

僞吳遏彼楚蠻以服鄰胡

皇念公勲顯有大查王馬錦裘異爾諸帥維是楚蠻反道不

共窺我豫章如葛如蜂維公誓言廓清江漢不與賊生背城

以戰維

皇討賊耀兵江于公在扈行左右奮銳敵兵來乘勝負未決

死捍御舟勢孤援絕大星曉殞江水夜悲烈夫介士野首

于危馬革之忠哀動宸極親奠以文賜之廟食載念艱虞

死者如生爰爰其靈官治其坐製功有爵號忠有謚匪榮一

時以勸百世墳有衣冠公始蓋棺英魂儼然玉帶貂蟬墓有

享堂公在中寢四時悉嘗來食來飲富陽之山壽贊松樹成

公之志莫此高丘神道有碑龜趺螭首史臣勒銘求詔厥後

大明敕賜開國輔運推誠宣力武臣征西左副將軍
濟寧侯追封肅國公諡襄靖顯公神道碑

自昔國家與王之地必有才武雄傑之士出於其間以贊立
太功佐成大業爲國虎臣享有祿位豈非夫人交會之應哉
故征西左副將軍濟寧侯顧公名時字時舉世爲臨淮人曾
祖千四府君以公貴贈鎮國將軍僉大都督府事護軍追封
昭寧縣子妣王氏封贈寧縣子夫人祖文俊累贈驃騎將軍
都指揮使護軍追封武陵伯妣林氏封武陵伯夫人考道祥
累贈榮祿大夫同知大都督府事柱國封濟寧侯妣雷氏繼
潘氏俱封濟寧侯夫人公志氣個儁勇於有爲元末政變海
內大亂

皇上龍興淮甸思濟天下公以同里率先來附披堅執銳常
侍左右自歲甲午起兵西拔和州東渡大江凡擊叛討逆開
疆拓境靡不卒從始由百大長轉陞元帥等知天策衛親
軍指揮使司事繼調緣梁衛兩午 詔與東平侯韓政取濠
州破四門月城拔之洪武元年戊申從大將軍魏國公徐達
北定燕薊拜驃騎上將軍副大都督府事兼同知
太子率府事三年庚戌論功行賞進號開國輔運推誠宣力
武臣階榮祿大夫勲柱國職同知大都督府事爵濟寧侯食
祿一千五百石 賜以鐵券使子孫世襲焉明年辛亥授征
西左副將軍由興元取四川入階州擒其巢將王進克文州
綿州擊向家營寨破之又克漢州進圍成都僞夏丞相戴壽
等望風款附比師入重慶其主明昇出降四川平五年壬子
仍左副將軍從征虜前將軍曹國公李文中等分道入沙漠
與大將軍期失道薄糧且盡士卒不能戰公奮引麾下數百

人躍馬大呼衝薄部落戰敗走之遂掠其輜重羊馬而還軍
勢復大振七年甲寅從魏國公徐各衛兵出鎮北平益築堡
障練士伍繕甲兵厲牧畜雖邊隅日靖晝夜從纂府吏深計
遠算常若寇至明年乙卯 詔還尋有 旨從魏國公仍出
北平十二年己未秋遽遇奇疾藥弗能愈以是年冬十一月
二十一日薨享年四十有六計開

上爲之震悼輟朝二日明年庚申春二月己卯公喪歸自北
平舟行數千里迎祭壇道觀者感歎 敕賜璽鐘山之陰
上親爲舉奠復定誌文以 賜之明日 詔贈特進光祿大
夫左柱國追封勝國公諡襄靖其姪終榮龍可謂異數矣既
李氏封濟寧侯夫人今封勝國公夫人子男四人長曰敬金
吾前衛後千戶所鎮撫次曰英曰華曰苟爾女二人既葬其
孤敬金而請于 朝曰惟先臣事

上二十餘年不幸蚤終顧神道之石銘文未勒敢援故事以
請予以見 聖朝眷待之厚且以慰先臣於地下也於是禮
曹以爲言 詔可其請 命禮部侍郎臣松爲之銘臣松職
在討論不敢以無陋辭謹狀次而書之且系以銘曰

聖人受命萬物咸覩乘時佐運各奮其武矯矯義靖生于
帝鄉

帝猶龍飛雲從之翔自淮渡江首定建業公時左右執侍獻
捷領兵東向遂夷月城電擊馳驟濠梁以清北收燕薊旋拜
驃騎榮勲豐祿券鐵以誓乃 命西討進自漢中取道階文
山嶺水深進圍成都作氣一鼓千夫投戈殄厥孱王既從征
虜北度陰山擁翠奮呼出其陰鷙薄衝部落覓鵲擊掠其

牛馬還給軍食主將上功

帝憫爾勞四方既平汝弓其囊囊弓戢戈北守燕剡嚴其局
鑄式謹邊事涑水茫茫居庸開關馬絕南牧城無畫關公歸
未期遂以計告沿邊驚呼 當守堦堦裏晴有諡勝國有封
茅土新疏沛豐舊庸蘭緒著銘爰勒神道榮光自天

天子有詔

大明敕賜開國輔運推誠宣力武臣征南副將軍靖

侯追封海國公諡襄毅吳公神道碑銘

洪武十一年戊午前征南副將軍靖海侯吳禎奉
詔出定遠是秋以疾聞

上遣驛馳驛視之弗能愈遂輿疾還京 車駕幸其第問勞
有加明年己未五月疾革以其月二十有六日薨計聞

上為之震悼輟朝二日 詔贈特進光祿大夫左柱國追封
海國公諡襄毅仍 賜金鐘山之陰俾官給其事葬之日

車駕臨奠加贈贈焉又明年庚申

上追念其勞爰 敕儒臣禮部侍郎臣松撰文刻諸神道之
碑以昭不朽臣松奉 詔不敢辭乃追考公蹟紀戰第而書
之謹按公初名國寶後 賜名禎字幹臣吳氏世為濠之

定遠人自少時已卓犖有膽略及天下大亂從

上起兵里中即能知天命有在與兄江陰侯良傳隸麾下悉

心委事焉自歲甲午乙未西克滁和東渡大江揚威振銳所
向無敵由帳前都先鋒為總管建興翼院判轉分院元帥

尋為天興右翼副元帥與良同守江陰每寇至輒擊走之首
破偽吳張士誠水寨擒其梟將朱定甲辰授英武衛指揮使

丙午寇出馬駝沙

上親督戰追至巫子門寇衆朝逆拒首尾相失公縱兵急擊
之俘獲無算是秋從大將軍魏國公徐達率馬步舟師由港
口取湖州公勒奇兵出舊館扼之戰以大捷事平遂留戍焉
吳元年丁未九月復從大將軍攻圍蘇州連破晉封二門士
誠就執公奉令撫循秋毫無所擾進命大都督府事時方谷
珍據明州未下

上以公為征南副將軍從御史大夫信國公湯和往平之公
引舟乘朝夜入曹娥江夷壤通道出其不意直抵車厰會降
者言方氏已潛挈家入海公領兵追於壘嶼與合戰自申至
夜三鼓敗之盡獲其戰船人馬輜重而還未幾谷珍降有
旨由海洋進取福州不數日奄至城下圍其西南水郭三門
一破克之時偽平章陳友定據延平作亂明年洪武元年戊
申進破延平擒友定閩海平公歸次昌國會海寇葉陳二姓
聚劫蘭秀山公調兵立勦之三年庚戌 朝廷定功行賞進
開國輔運推誠宣力武臣榮祿大夫柱國吳相府左相靖海
侯食祿一千五百石 賜以鐵券使子孫世襲為五年壬子
詔大發兵東戍定遠 命公總舟師數萬由登州轉運以餉
之海道險遠人用難虞公調度有方兵食充羨折衝風濤如
履四達尋 召還七年甲寅海上警聞公復領沿海各衛兵
出捕至琉球大洋獲倭寇人船若干俘于京

上益嘉賴之常往來海道總理軍務至是歸自遼東而疾作
不起矣公生以天曆戊辰六月二十一日薨以薨之閏月十
三日享年五十有二曾祖三七府君贈鎮國將軍僉大都督

府事獲軍追封額上縣子妣周氏追封額上縣子夫人祖十
一府君贈驃騎將軍都指揮使護軍追封延陵伯妣劉氏追
封延陵伯夫人考以龍府君贈榮祿大大同知大都督府事
柱國追封渤海侯妣葉氏追封渤海侯夫人配李氏封靖海
侯夫人子男五人長堅西安護衛鎮撫側室陶出也次忠羽
林左衛鎮撫夫人李出也次端次洪五十皆廢出女十人其
第五女許爲 相王妃尚在室惟公以驍勇之才際興王之
會鐘英淮甸立勲遼海致位公侯而不矜不伐盡瘁所事真
古之名將哉是宜銘銘曰

赫赫景命大明當天

帝業所基公侯出焉桓桓吳公有伉其勇顧瞻在廷玉立山
簪九政不綱

帝憫下民爰揮天戈掃除妖氛始克矜和旋拔宋石飛渡大

江曾不終日公時在行兄弟齊一莫不率從干城是力

帝命汝禎言守江陰鄰敵授首遠人歸心南收丹陽東畧無

錫建興策功英武躋職寇窺海口縱兵擊之風從朝生彼逆

不支從攻吳興機畧周布捷出舊館扼其歸路進拔荊門東

定姑蘇擒厥大酋獻于京都

帝令爾勞陞扶督府不曰四明亦肆違拒遠屬戈甲往征征

南扶劍而飛颺旗電帆縱金伐鼓壁其城下寇窮而遁瞻落

萬馬躡景追風執訊還鯨奔鯢伏海濤雲鮮張方告平閩

海方急千艘南馳獵彼勃敵三山既隳延平遂通麾旄所指

列郡不問公歸自南關秀連梗鋤而闢之海道晒晒

帝曰靖海實汝之功茲命汝侯往承其恭煌煌鐵券翼翼命

秩恩延子孫功翼 王室載授征虜督餉定遠白黎連雲
風不播倭重錄毫出沒大洋爰獻櫛之

皇威以張茫茫遼海烈烈英勇式弘將畧茂對

天寵方召元老曾周世庸氣應德符千載一逢維天祐賢公

宜永福何疾之嬰遽此不淑議曹考行贈諡有光鐘山佳城

天設地藏神道之左有石疑疑儒臣作銘昭示無極

皇明文衡卷之七十二

皇明文衛卷之七十三

神道碑

大明勅賜故開國輔運推誠宣力武臣特進榮祿大夫右柱國衛國公追封寧河王諡武順鄧公神道碑

朱夢炎

洪武十年冬十有一月初九日開國輔運推誠宣力武臣特進榮祿大夫右柱國衛國公鄧愈自河州召還至壽春以疾薨訃聞

上哭之哀為輟朝三日詔追封寧河王諡武順其月十九日柩車至三山門車駕臨奠且親視其塋地而舊塋在鳳臺鄉者狹隘弗稱

上乃遍覽傍近岡阜擇於城南西山之原寬平曠敞有司營建墓兆仍命遷王母夫人及弟晔之喪同瘞焉凡喪事所須皆官給之恩至渥也

上猶念其功不已召臣夢炎等於廷諭之曰愈事朕二十二年東征西討勦勢至甚歷鎮八州有功無過爾其撰文刻之石以昭不朽臣謹按公曠所載賜名愈泗州虹縣人三世弗仕以王貴曾祖父大公贈贊善大夫中書右丞追封臨淮伯曾祖母孟氏追封臨淮伯夫人祖父大公贈榮祿大夫中書平章政事柱國追封南陽侯祖母陳氏追封南陽侯夫人父諱順興贈特進榮祿大夫大都督府右都督右柱國追封衛國公母張氏追封衛國公夫人王生而魁偉幼有大志勇力過人元季壬辰天下雲擾王父衛國公起兵于鄉遂成臨濠與元兵戰死之王兄友隆代領其眾未幾友隆病卒衆推王

領軍事年方十六王出戰必挺身破敵軍中咸服其勇歲乙未

上駐師滁陽王自盱眙率所部來附克嘗電總管其年夏六月從渡大江克采石取太平繼而元將禡于海牙以舟師扼采石陳也先台兵數萬逼城下

上親督兵禦之謂王與禡國公以奇兵出其後大破之生擒陳也先丙申三月定金陵後漢水破鎮江王皆與有功陞元帥出守廣德冬十有一月長鎗謝元帥率衆來寇王出城奮擊俘其總管武世榮及軍士一千餘人丁酉三月轉行樞密院判移戍宣州七月領兵取休寧績溪來勝克徽州元將敗走十月浙江岳陽元帥率衆十餘萬來攻城時徽州新附城郭未完守禦之器未備王勸勵將士明立賞罰與越國公胡大海等分門並出奮兵力戰大敗其衆生擒部將胡辛等一百五十八人賊衆奔潰婺源元汪同俞領兵來降戊戌正月

擊破鐵木兒不花元帥寨斬首五百餘級追至婺源東門擒殺鐵木兒不花獲士卒三千餘人遂克婺源三月取嚴州四月攻淳安縣賊帥金子珍敗走獲馬一百餘匹降其頭目軍士三千餘人還同俞樞密院事五月浙江舊揚復率衆屯徽州烏龍嶺拒却之九月轉俞樞密院事已亥正月領兵略浙江臨安大敗張寇於閩林寨庚子七月鄱陽院判于光

右丞余椿擊走偽漢部將辛同知取饒州遂以其城來附有旨命王往鎮之饒城彭蠡湖而偽漢王陳友諒尚據江州數遣舟師來攻城王斂兵東門外與余椿丁光等連營以拒之屢戰其衆賊兵遂退辛丑正月除江南行省參政仍兼食書

省參政仍兼食書

行拒密院事總制各翼軍馬饒之境內弄兵者尚懷疑阻王
推誠結納撫以恩信於是左承吳宏等皆請降八月領兵襲
馮梁僞參政侯邦佐棄城遁八月取樂平擊敗蕭總管五千
餘衆擒萬戶彭壽等六十八人饒境悉定進取江西十月駐
兵於臨川之平塘時鄧克明據撫州遣使通款而實無獻城
之志王知其情卷甲夜趨比旦入城克明單騎遁翌日遣人
以分省印來獻王號令嚴肅秋毫無犯江右之民室家相慶
爭持牛酒迎勞王悉却而不受是時

上親討僞漢王陳友諒於江州友諒敗走遂下江西命王以
步兵來會車駕至南昌有旨授王江西行省叅知政事
留鎮之時壬寅正月四日也癸卯夏四月陳友諒悉國內之
兵圍江西江水暴漲寇舟直抵城下王與諸將協謀固守屢
挫其鋒賊勢大沮相持者凡三月會

上親率援兵至湖口友諒懼而退大戰康郎山友諒竟死甲
辰三月新淦土豪鄧青奴以卒二萬人據永豐王調兵破之
擒首賊胡理問劉右丞五十一人八月從開平王平臨江之
沙坑麻嶺十洞諸山寨合兵圍贛州降之南安南雄韶州皆
送款乙巳正月進江西右丞相加湖廣行省平章出鎮襄陽西

抵巴蜀北控河洛烽火相望新附之民未有定志王撫而鎮
之民懷其惠軍忘其勞遐邇悅服吳元年十月擢拜御史大
夫洪武元年命大將軍經略中原而以王爲征戍將軍征取
江淮未取州郡三月攻唐州克之又取南陽生擒蔡國公史
克新等二十七員軍士一千五百人馬一百五十四匹七月克

隨州右丞王誠降九月進取洪山老馬劉寨夜四鼓斬關而

入擒殺甚衆冬十有一月率兵討蜀河養張獲之金商均房
之境悉定三年命王爲征虜左副將軍平隴右大敗王保保
于定西招諭河州土蕃諸酋元帥何鎖南普花兒只汪來等
皆納印請降於是河州以西朵甘思藏等部來歸者甚衆
冬十有二月定功行賞特封衛國公食祿三千石賜以鐵券
五年命王爲征南將軍討澧州等處溪洞蠻夷平之九年吐
蕃所部州城邀阻爲思藏使者掠其輜重有旨命王爲征
西將軍往討之十月王與副將分所將兵爲三倂力齊入覆
其巢穴窮追至崑崙山斬首不可勝計獲馬牛羊一十餘萬
上嘉其功遣使召還未至薨王以元後至元丁丑二月十五
日生享年四十有一兄弟三人長卽友隆弟暉仕至羽林衛
指揮僉事先王五年卒夫人曹氏側室王氏徐氏子男五人
長鎮羽林衛鎮撫次銘次鐸次銓次太平奴皆庶出女四人
長女夫人曹氏出也爲秦宮妃次適河南護衛指揮周顯餘
尚幼孫女一人王之葬也以是年十有二月二日丙午惟王
器量宏偉而沉毅簡重謙恭慎密而奉公守法臨大敵而不
懼有大功而不矜又能禮賢下士寬惠愛人廣德宣州徽嚴
饒撫南昌襄陽八州之民至今猶懷其德事母夫人能致其
孝撫弟幼孤能致其愛蓋不獨將略之雄兼有君子之行宜
乎爲國元勳光輔

帝業而膺

上眷之隆者也謹再拜稽首而爲之銘曰
聖皇受命地闢天開掃清六合鼓舞群材惟武順王雲龍風
虎杖策來從誓以身許飛渡大江奮戈前驅斧鑿鋒何敵

不除一舉姑蘇再舉連業馳電型百戰百捷玉節飛雲金戈耀霜有赫其威征群方乃輯浙東乃撫江右大闡煌煌

厲我城守孰謂狂堅而敢焉陵自速厥辜江漢底平帝用有嘉平章胡廣駐節荆南安資開蕩化仇而恩循暴而

采以德輔刑澤及八州武功告成四海一統爵以上公受天之寵烈烈征西極討窮追殲彼大戎張我皇威召還有期

中道而逝九重痛悼三軍隨弟念王之忠開拓建功念王之德無忝始終何以報之王封是錫衣衣綉裳元寶泉宅西山之原墓門

有石視此刻銘求錫無極大明開國輔運惟誠宣力武臣榮祿大夫柱國同知大都督府事江陰侯追封江國公諡襄烈吳公神道

碑銘吳伯宗洪武十四年十一月二十六日開國輔運惟誠宣力武臣榮祿大夫柱國同知大都督府事江陰侯吳公以疾薨于青州

十二月訂聞皇上為之憫悼輟朝三日詔所司定贈諡加贈特進光祿大夫上柱國中軍都督追封江國公諡曰襄烈遣使者迎歸

以歸洪武十五年二月丙子賜葬鍾山之陰上念其功不已命詞臣撰文勒諸豐碑以垂不朽伯宗職居翰林屬當執筆謹敘而銘之公諱良姓吳氏鳳陽定遠人初

名國興後賜今名氣岸雄偉性質剛直與弟俱以勇力稱元末群雄並起海內鼎沸

皇上以聰明神武仗大義奮起布衣公兄弟委身相從服勤

左右

上深器焉甲午秋從

上取滁州乙未春從克和陽常為先驅戰皆有功六月從渡大江與元兵戰於采石拔其營衆勝克姑孰尋下溧水溧陽

而申從定建康戰功為多又從今大將軍太傅魏國公徐公達克鎮江下常州屢著功勳歷陞軍職丁酉下江陰命公以

指揮使領兵鎮守時為吳張士誠據姑蘇跨有淮東浙右地大物衆兵食富強實江南一勍敵而江陰正當東南要衝喉

襟之地士誠又多變詐動以金帛啗誘將士公行上諭之曰彼以其詐我以吾誠爾為邊將慎守封疆約束士

卒毋外交毋納逋逃毋逐小利毋與爭鋒惟保境安民而已公奉命惟謹繕城池遠斥堠利器械嚴部伍士卒無敢逃亡

無敢出境生事者敵亦畏公之威不敢侵犯數年上親將兵下江西克湖廣平僞漢陳友諒大軍屢出而無東顧之憂者以公之扞敵也丁未大軍克姑蘇士誠面縛

上以姑蘇承士誠割據之餘力戰乃服必得剛毅有智略者鎮其地遂以命公公至奉宣

皇上盛德紀律嚴明號令整肅軍民輯睦咸得奠安洪武三年天下大定論功行賞以公有守江陰之功封爵為江陰侯

食祿二千五百石賜以鐵券子孫世襲恩至渥也廣西右江諸州僻處炎徼去中國遠數千里前古號為要荒臣乍

輒唐宋以來羈縻而已元都北方相去益遠姑息尤甚夷俗狃於仇殺數侵邊境五年春命公將兵討之公率兵深入

跋履崇山踐歷險阻剪除荆棘衝冒瘴霧勤勞特甚數月盡

平其地俘獲不可勝計自是溪洞夷獠畏威懷德革心向化
輒和順奉法令同內地焉先是

上稽古制建親王爲盤石藩屏齊王受封青州命公營建

王府宮殿社稷公經營區畫部署軍卒並手偕作功成而民

不知勞公留青州二載得疾而薨享年五十有八公自起身

行伍至爲將帥受封爵始終一致有功無過故其謚也

上深惜之恩禮有加焉公存時以公貴推恩三代會祖三七

府君贈鎮國將軍僉大都督府事護軍追封顯上縣子妣周

氏追封顯上縣子夫人祖十一府君贈驃騎將軍都指揮使

護軍追封延陵伯妣劉氏追封延陵伯夫人考似龍府君贈

榮祿大夫同知大都督府事封國追封渤海侯妣葉氏追封

渤海侯夫人配高氏封江陰侯夫人子男二人長曰高神策

衛試指揮使次曰壽安女三人在室公弟祖亦以勳封靖海

侯追封海國公先公三年薨嗚呼古今豪傑之士際風雲之

會攀龍附鳳竭忠勤樹勳烈以名世者多矣未有如公兄弟

同遇聖朝同立大功同膺高爵輝映赫奕右斯之盛者也

是宜勒諸白石以光前古傳後世而垂無窮豈止照耀泉壤

而已哉銘曰

天啓洪運

大明肇興豪傑率從霧集雲蒸桓桓吳公剛毅英烈異才間

出萬人之傑天戈義旗飛渡大江爭先鼓勇敵莫敢當既定

金陵打下京口公俱在行厥績多有江陰崇嘯東南要衝屹

若砥柱維公之功姑蘇新門命公殺靖紀律嚴明大小從令

帛凡第二人並著開國河山賜誓列侯疏封慶延後嗣與國
無窮主榮死哀富貴終始進爵上公錫謚具美鍾山之陰有

碑穹然勒銘紀功何千萬年

皇明開國輔導推誠宣力武臣榮祿大夫柱國西平

侯追封黔寧王諡昭靖沐公神道碑 王景

皇明以神武定四方混一區宇德履昭著東漸西被罔有內

外時則有若龍虎之士綱運之臣汎掃爬梳用能威和天休

以集大命草昧之初各奏爾功歸于有德也至于內託肺腑

而建丕績者則成于天地涵育之功也是以一舉而開闢關

大業關吳再奮而運斗樞大政立矣三厲而西略自西徂南

大統一矣神亮之功昭茲甚明此

皇上之所以始終垂眷大有造于黔寧也王諱英字景姓沐

氏鳳陽定遠人元季天下難作王在童稚喪所怙鞠于母氏

母氏復物故時

皇上龍飛鳳陽往拜于門

上奇而育之賜國姓既長機敏過人數從征伐終日侍側無

戲色亦無惰容弘量孝恭出于天性

上益奇之滋欲試以事壬寅授帳前都尉出鎮鎮江碑有聲

績甲辰除廣武衛親軍指揮使軍府肅然尋加昭勇大將軍

廣武衛指揮使軍府益律戎申春正月

上卽皇帝位改元洪武既定鼎命王從征福建擒元平章陳

友定三月復王姓鎮建寧三郡三年陞鎮國將軍僉大都督

府事四年陞榮祿大夫同知大都督府時天下兵禍交乘治

河布德澤遠人事有不便更張以聞明年副寧河王總大兵征番部西渡黃河略川藏羅兵崑崙轉戰千里俘虜萬計功師論功封西平侯開國輔運相誠宣力武臣階仍舊學祿大夫勅柱國食祿二千五百石賜劄券又明年八月拜征西將軍將兵征西番降元萬戶乞失加三副使舒朵兒只阿烏都兒人卒二萬雜畜二十餘萬是行平朵甘納隣七站地數千里十三年以陝西兵征和林元國公脫火赤等略以集乃渡黃河回賀蘭涉流沙偵騎報去穹廬五十里王分爲四翼自以驍勇衝其中堅銜枚夜薄其營生擒脫火赤知院愛足全部皆降明年領軍從大將軍出古北口襲公山主長寨平四郡踰驢駒河虜知院李宣還京副征南將軍統兵征雲南絳峯沉出竊寇攻普定下之攻普安又下之轉戰而前元梁王把都剌九爾密以司徒平章達理麻里曲靖會大霧咫尺不辨必白石江兩軍相望征南欲濟王曰我軍遠來利在速戰其衆未集不若以計破之乃陳兵陽若渡者遣奇兵從上流滿草山出其陣後爲疑兵元軍見之陣動王麾軍泗水渡元軍亦卻陳我師既成列鎗仗鮮明彼皆奪氣遂大戰自旦至晡得血渠傷王從鐵騎擡之出而復入生擒達理麻里于渾元兵遂大潰僅尸相屬東勝慶之勢若拉朽梁王棄城走死之必其金寶撫乂其民列衛布守諸郡皆納款唯大理不下王率兵攻之段世據龍尾關險王分一軍夜從間道登點蒼山襲其背黎明王策馬亂流攻關關不守至城前後受敵擒世拔其城會川永昌皆平問使下車里下緬不決十辰雲南底平夏王與征南分兵東平烏蠻餘寇諸部謂王師東下

復叛夷兵二十餘萬圍雲南四十餘日王以鐵師萬人馳球之慶蘭援營夜遁時曲靖永昌皆失守王次第復平之事聞詔征南班師王留鎮焉二十一年春平摩沙勒斬首千餘級三月思倫發以三十萬寇定邊東川廣西往往遙應之王率軍三萬禦之期日合戰至期分軍爲三翼以象衆高擡我右軍右軍少却王下令曰却者斬左軍與之應中軍右軍夾攻之聲震山谷蠻酋刀斯郎斃于象蠻師大奔斬首無算俘萬餘人盡獲其軍實思倫發遂降秋七月東川平冬十月廣西平誅者滿矣情俘五千餘明年平越叛阿資冬朝京師錫宴奉天殿賜金銀楮幣繒綵以萬計尋還鎮上慰曰爾在雲南朕無南顧憂二十四年阿資復叛王親擊之阿資僅免有詔命王還鎮以僉都督何某爲平羌將軍代統其兵討之阿資來降秋遣使招八伯八伯來貢八月錫七田明年夏六月某日王立廳事忽仆于地侍者扶入曰我中風不能起受

皇上厚恩不能報矣遂薨時年四十又八軍民罷市巷哭計開

上哭之慟輟朝制文遣禮部往祭命其子椿以喪歸壘發軍護送所至百司祭于道十月戊午王喪至自雲南上遣中使往祭明日追封黔寧王諡昭靖賜塋于江寧長泰鄉觀音山時某年某月某日也勅百官郊送比葬

上諭祭者三

皇太孫親王遣祭者再部府諸司祭者一會祖考某祖考某父某祖追封黔寧王曾祖妣某氏祖妣某氏妣某氏追封

贈寧王夫人明年勳蔭功臣廟 敕太常記以太牢凡藥寶皆給所司不煩其家雲南氏表請立廟守臣以聞 制曰可初娶焉氏故追封顯國公國用之女先王辛追封黔寧王夫人再娶耿氏故贈長興侯其之女子男五人曰椿馮夫人出也

上賜以名由後事都督命事使西平侯令鍾雲南孝友忠勤民夷悅附以兵果越叛阿首威震諸夷可謂能繼王之志矣曰其耿夫人出也命後事都督府事曰昌曰景曰昂側室出也女四人孫女二人夫天地之道尚孝而右忠帝王之政褒德而顯功王在鎮之二年 中宮皇后薨水漿不入口三日斬哀臨終喪三年

皇太子薨喪毀逾禮因以成疾孝足稱矣初莅督府以大學有正心之要綱目得春秋之旨太極圖明天人之道出師陳情表者忠孝之實終身披誦不輟家事治而事上必本于忠勤在鎮之日侍衛不過數十人德可徵矣其駁軍也敵攻無堅城守必飭從征討則效忠獻謀策旌斬將及為戎首則神機橫發出奇制勝功出漏刻有古良將風功可尚矣其為理也弘毅寬裕招納賢士長駕遠馭恩威兼下墾田至五十七萬畝而軍實充運歲用師小大戰數十而軍士豫附忠可見矣嗟乎忠孝昭于身天下仰其先功德著于時天下被其澤王之事

上有子道焉有臣道焉上之撫王有君道焉有父道焉非他人為君臣者如也主祭受哀可謂宜矣銘曰

聖皇啓運受命自天王氣浮淮有開必先暨暨將臣天挺神武鼓盪風雲闢闢寰宇五神闡珥挺生異人依光日月上星辰風雲景從發迹海邦遂荒其區遂撫其吭沈沈樞府我寵居之秩秩

皇猷我儀圖之載數恩澤西涉渭源載敷國威西上崑崙賀蘭之流沙之阻兵不頓刃霆驅星馳並井絡氣交神州載清載夷投鞭斷流式遏王誅自爾南夷日月出矣燭火何施

天兵一麾仆山摧壑封其鯨鯢以示大儆額額其城大轟高牙萬方攸同六合一家布德施威一紀是釐習夷聞昧莫不惠來

皇帝曰咨予嘉乃績黃金大帶龜判琮璧鈞天無人陟帝左右

帝曰嘻哉朕心曷究追王黔寧錫北京畿以享以祀以介繁禧推尊主爵上及三世澤逮漏泉無幽不屆于孫繩繩世有封爵允忠允孝以求天祿觀山之原神道有門刻銘貞石以勸殊勳

皇明文衡卷之七十三

皇明文衡卷之七十四

神道碑

勅贈開國輔運推誠宣力武臣榮祿大夫柱國同知大都督府事陸安侯許國襄簡王公神道碑銘有序

劉三吾

許國襄簡公既薨有年洪武之二十年冬十有一月己亥皇帝御奉天門以工部奏公薨諡之石已具勅翰林學士院爲文賜其家俾鑲焉臣三吾職在紀述不敢控詞則退而稽其世次官代行事之實序而銘之臣聞天生

聖上聰明時又當元政稅僻寓內幅裂群雄起資以

君主治其爭亂則有能羅之士不二心之臣若徐常兩王佐命討伐襄簡王公單秉義效順以會其成功大一統之業者

亦天所昇予者哉公姓王諱志世鳳陽臨淮人性鷙猛有智諱臨陣對敵果毅無前至正壬辰三月土寇蜂起舉鄉兵取濠州且守且甲午前克滁州勢剋破竹知天命攸歸在

今上疏附來從乙未清工尋采石太平破中丞瑩子海牙水寨進拔建康丙申七月調建總兵同簽樞院徐中山圍常州

屢騰柵先登身犯矢石功聞授懷遠大將軍右副元帥丁酉三月常始下公功爲最後恢復宣州江陰宜興高郵等州府

多著戰績中山悉其能公克應其智勇故也辛丑秋九月侍上親下安慶諸郡邑壬寅夏四月復隸中山身先馳戰江西

諸州縣望風前角癸卯八月乘海艘從御舟蹕陳友諒于彭蠡友諒中流失死擊走其餘黨于注口之水寨甲辰三月

上親征湖廣武昌公暨諸將一衆奮與賊遇最遂下之

載從中山復廬州拔安豐逐北姑蘇張士誠軍陞飛熊衛親軍都指揮使總兵守禦陸安州明年春改授陸安衛指揮使戰守嚴毅敵難民附戊申春正月

上正宸極國號大明改元洪武其夏五月奉旨將本衛兵征迤北次汴梁尋調征河南冬十月從馮勝宋國公度黃河

巡邏進取懷慶澤潞等府州往往所部直前無堅陣是臘從鎮平陽居三年移守漢中仍駐師陝西明年將其全軍深入

察罕腦兒絕塞却胡遠遁還軍平陽冬十一月勅贈開國輔運推誠宣力武臣榮祿大夫柱國同知大都督府事封陸

安侯五年從中山征朔漠大獲虜而還九月又從傅友德今謂國公征雲南所向克捷十七年凱還京師十九年八月十

七日以疾薨于第

上爲之震悼罷朝贈賻有加追封許國謚襄簡公生正統乙亥正月九日春秋五十有二薨之十月二日勅葬鍾山之

陰曾祖考四一公鎮國將軍僉大都督府事護軍追封羅山縣子妣董氏追封羅山縣子夫人祖考五一公驃騎將軍親

軍指揮使護軍追封太原伯妣竇氏追封太原伯夫人考六三公榮祿大夫同侯妣潘氏追封陸安侯夫人室潘氏從封

許國夫人先公薨生至順壬申五月十九日薨洪武庚戌三月始葬鳳陽臨淮至是從公附焉生男四人長威次斌次璣

次琬女一人適黔國公子景祐孫男三女二孫公功行是宜銘詞曰

先時寓內助勦弗靖丞民有主資以戡定效用者將鷹揚其入徐常兩王開國蓋臣各有爪牙奮其威武惟襄簡公久佐

徐府既定江淮亦拓中原自河徂陝益西其轅孫淮而北極是朔漢轉征雲南卓著勇略最公在軍沐雨節風惟知徇國違卹厥躬陸安受國方倚大用天不奪遺黃梁遽夢上為震悼卹典是頒許國襄簡賈論且完鍾山之陰公所藏室壽正名垂燁然竹帛有桓其表有寄其碑千秋萬禩永無期

勅贈開國輔運推誠宣力武臣榮祿大夫柱國同知大都督府事肇昌侯追封陝國公諡宣武郭公神道碑

洪武二十年冬十有一月己亥

皇上御奉天門工部侍郎臣秦達奏故肇昌侯墓道之碑已具宜得文及時鏡之有旨翰林學士院製文臣三吾職在詞垣不敢以才學謂後為辭謹按其世功勳年爵次第而銘之臣聞天與

聖代大有為之君必篤生懷悍英勇之將與之會遇以輔成其大業雖人也實天也當元季王政不綱在所裂裳為旗荷挺為兵草野自雄固所適主時則

今上皇帝龍興鳳陽天人合應有若中山開平兩公傑出其間是固功無與麗矣其所趨向先後疏附厥有成蹟若輩呂侯臣郭子興者亦豈偶然哉子興世鳳陽人拳勇有膂力善騎射自癸巳歲起兵首隸元帥郭某麾下即知所適主明年得滁州又明年得和州亦既從龍濟江若宋若若大平若溧陽溧水所向崩角義勇之聲日以暴矣丙申三月隨大軍進拔臺城先登陞營軍總管繼陞統軍元帥收闔常州身

犯矢石晝夜不解衣甲為生蟻踰九關月城始下被賞優渥載調克宣州江陰宜興婺州安慶衢州勢剽破竹士黃分兵之江西南昌得其全城癸卯八月進克鄱陽彭蠡之戰海艘駢進戒嚴所部人百其勇陳反諄計度中流天死人知天命有歸矣甲辰春侍

上親征胡廣武昌泗血馳戰多所斬獲用屢功擢鷹揚衛指揮使隨在

上心俾從中山王拔廬州拔安豐率先陷陣大敗姑蘇張士誠為之奪氣其下襄陽下衡州定澧州長川轉而縣高郵路淮安截拔湖州生困姑蘇往來累窘力戰中山王以公之勇功聞陞鎮國上將軍大都督府僉都督吳二年正月改洪武元年

上即位有事關陝命領其軍進討中原撫守潼關三年獻

一迹不敢南移成肇昌招摩通殘嚴賊部曲西戎羗夷兩境帖然進封肇昌侯方倚之未鎮西垂而溫先朝露薨于家矣上為之震悼輟朝三日聘贈有加追封陝國公諡宣武以洪武十七年冬十有二月日薨聚寶山之原曾祖考某贈鎮國

上將軍命大都督府事護國追封光山縣子妣某氏從封先山縣子夫人祖考某贈驃騎將軍都指揮使追封汾陽伯妣趙氏從封汾陽伯夫人考某贈榮祿大夫同知大都督府事柱國追封肇昌侯妣單氏從封肇昌侯夫人配汪氏封肇昌侯夫人皆由公貴妣恩子男四人長景儀卒于五閭次振次宗次官僧公生以某年某月某日薨以某年某月某日壽五十有四惟公自開國以來從龍上下盡瘁所事所至以英

勇聞是故攻無不克戰無不勝視轉萬里之遠歷歲之久若堂奧之朝夕焉雖鋒矢交集飢渴不時咸不避師必盪蕩集光歸報終事乃已其依日月之光仗雷霆之威以恢拓疆宇勒勛而垂者亦人傑也哉詞臣揚厲為職是宜有銘詞曰聖皇受命龍興鳳陽載定禍亂經略封疆篤生武臣先後相室維陝國公實生

帝鄉沈鬱其勇鐵石其剛乘風雲會依日月光旌麾所指敵摧鋒芒底定東南載戢戎美萬里之遠如在室堂生前封侯衣是華昌身後封公亦此西方聚寶之原不食之岡佳城鬱鬱公所固藏詞臣載筆德音靡忘子孫善保奕世流芳

大明左柱國信國公贈東甌王謚襄武神道碑銘

方希古

洪武二十一年九月壬辰

皇帝御奉天門故東甌襄武王之孫景頌首言曰先臣和沒已三年墓道之碑已具而未有刻文惟陛下憫之俾史臣有述焉制曰可臣等至翰林以文為請臣謹以其事聞有詔俾為之銘臣乃言曰昔元德既衰天下大亂我

太祖高皇帝以神武明聖之資哀生民之無辜奮袂一麾四方響應安夷僭盜為潞兒奸十餘年間遂濟大業雖曰天命所屬不以智力然茲將名臣之勛著于王室有可徵者昔王之歸鳳陽新第也

高皇帝有饒賜之勅其薨也有祭誄之文

帝自謂與王同受知滁陽稱其智勇過人命勒石以紀芳績聖情深厚矣今

陛下不遺萬而賜銘其碑以寵綏湯氏實行

高皇帝之遺志臣等執事從太史後何敢卒讓謹按故開國輔運淮誠宣力武臣特進光祿大夫左都督左柱國議軍國事信國公追諡襄武封東甌王姓湯氏諱和字鼎臣世居鳳陽縣之東胡里曾祖五一府君祖六一府君皆以王貴追封信國公考七一府君贈特進光祿大夫右都督左柱國追封信國公曾祖妣某氏祖妣周氏妣謝氏俱封信國夫人王幼喪二親卓越有奇志嬉戲常習騎射指使群兒父老異之及長身長七尺個儻饒智略元至正間豪傑多起兵據郡縣王亦思自奮復以取富貴至長歲聞滁陽王據濠兵勢強率所厚壯士千餘人仗劍從之滁陽王奇王驍勇置之麾下使從諸將略地每在前行命為百戶取九灣攻濠之定遠得兵千五百人擢為千戶時

高皇帝處滁陽王甥館王委心推奉率兵從大洪山寨得兵八百陞長鵠太復從攻滁州其守帥以功多授管軍總管招集士卒益眾又明年甲午

帝自取和川諸將多滁陽王舊部曲願望未盡劾臣禮惟王以所領兵聽命甚謹

帝心嘉焉會義兵元帥陳也先復攻和州王與將士擊走之乙未六月

帝渡江下采石定太平王獲敵馬三百士卒稱是旣而也先與其將康將軍水陸分道寇城王擊其水軍矢中左臂怒氣益奮中山王徐公達寧河王鄧公愈帥師由東門轉戰城北破其步軍遂生擒也先以獻王分兵取滁水句容克而守之

丙申

帝定建業三月王偕中山王取鎮江一日克其城兵不血刃
陞統兵元帥復同中山王取金壇及富莊七月轉司金樞密
院事丁酉三月克常州奉命鎮守其地攻取江陰明年臨
吳張士誠兵寇常州王力戰却之擒其卒三百十月復來寇
倅中士千餘舟數十艘馬數千匹賊勢為之少沮王當其
山王攻無錫癸卯大破士誠兵于楊山斬其衆將獲甲首五
百級逐其別將莫將軍虜其妻子以還拜中書左丞相兵士
誠弟偽丞相士信寇圍長興王率步將吳福興會開平王當
公遇春軍合戰士信大敗而退超還中書平章乙巳擊江西
劇盜姚大膽斬之遂取永新州戮偽左丞相安魯籍士馬歸
于京師仍出守常州丙午

帝命諸將伐士誠略太湖營平橋館降偽將呂左丞等虜其
兵二千馬八十四轉戰湖州中將張右丞降進擊吳江州將
不能格亦降遂薄姑蘇圍之明年丁未為吳元年九月中山
開平與王益督兵之戰卒平姑蘇縛士誠以歸三吳悉定遂
御史大夫兼太子少師德勝降大時方谷珍博溫台慶元
三郡與士誠比境聞士誠敗固已震恐王督諸軍征之谷珍
與東大船出葭海島中王遣人持書喻以國家威德谷珍
即率昆弟子弟待罪軍門得兵械舟楫以萬計所至不擾王
之功居多乘勝下福州戊申

帝即大位改元洪武王略定閩中諸郡至延平王帥東友友
陳瑄提督其副出城降觀望待兩端王瑄之以歸東南海
上晏然歲九月

帝幸沐梁主賓從既而與宋國公馮勝取懷慶澤潞晉絳
二年同中山王拔河中渡河入潼關趨鳳翔越六盤關抵
平明年與中山王宋國公至定西襲元將攔瀾帖木兒當西
比取寧夏至寧寧賜兒復其偏將虎陳定東勝大同宣府皆
以勞先諸將九月還京師論功行賞錫以鐵券封中山侯號
開國輔宣力武臣階榮祿大夫勳柱國祿一千五百石明
子孫承中國亂僭號四川以重慶為都王珍死其子昇立四
年詔王及德慶侯廖永忠統諸將征之昇鎖鑰塘峽以遏舟
師王以計敗之水陸並進直趨偽都昇不能支率其臣屬奉
金寶以降五年同中山王北征窮追和林明年覽通州外郭
八年移鎮彰德覽其城是冬追元通臣伯顏帖木兒于寧寧
臨兒獲馬牛羊無算十年正月元日

帝令王之功加號推誠伯特進階為光祿大夫職為左都督
勳為左柱國爵為公國子信俾議軍國事加祿至三千石仍
賜鐵券王益恭畏不自驕盈繼與岐陽王李公文忠練卒于
鳳陽鳳陽濠之賜名也明年巡撫西河川繕完其城郭營舍
十四年偕中山王北伐下灰山擒其平章別里哥及樞密副
使又通又明年詔至四川求寧治壩濠飭士馬十八年五
關山帝為亂王帥師討之夷其窟穴俘虜四萬人及入
朝王以春秋高思歸故鄉從容乞骸骨群公次第以為言
帝喜之賜寶鈔五萬俾造第宅於鳳陽而謂王曰日本小夷
屢擾東海上卿雖老強為朕行視要割地築城增戍以固守
備王誓海上數十城民四丁取其一為兵以守之二十一年
新第以成告享妻子 陞辭賜白金以兩計者二千黃金以

兩計者三百鈔以總計者一萬五千文綺四十端信郎夫人胡氏亦賜金錢文綺甚厚俱降手教褒嘉之二十三年元旦朝于京師多被疾且失音不能言

帝聞之大驚即命駕臨視嘆惋久之遣歸故里十月詔王之子將命召至邸賜以安車入殿廷跪勞備至復厚資俾歸以俟有瘳二十七年王疾猶甚不能興

帝思見之特詔與入觀手為摩撫語及舊勞對之雪涕賜鈔六百五十緡預為塋葬之資二十八年八月七日薨於里第之正寢至是年七十矣計聞

帝感悼為之不御朝者三日追封定諭親為文授使者以祭命親王威遠祭于其家棺梓明器家禮皆官為之以是年十一月十二日葬于縣曹山之原 詔肖像于功臣祠配饗於太廟祥禪必賜祭

高皇帝禮遇功臣加恩于王恩禮之隆時莫與比夫人有婦德明詔稱其賢于五人曰罷署前軍都督府僉事曰軌太原中護衛鎮撫曰鼎曰庚皆卒曰體同知左軍都督府階縉

祥大夫將兵征五開卒于軍女五人長適德侯廖權次為晉王妃次適萬泉衛指揮俞鼎次適景東衛指揮賴鎮之次落

次適楚雄衛指揮袁義之子與孫男十一人曰昱選昇晟最幼昇昇吳吳華晟其嫡也孫女四人曾孫男一人女二人皆

幼王沉毅質直勇而善斷不妄發言入聞國論一語不泄于左右行師受任有詔即行不少顧家歸敵果敢堅忍未嘗挫衄有諸父兵書者輒嘆曰臨陣決機在智識敏達耳何以況古為家蓄妾媵百餘人年有百歲寧家得賞賜多惠鄉

黨父老及孤貧無告者責任公宰及歸田里見故交遺民意驩如也厥後群公多先物故而王獨享壽考以今名終斯固保身之有道而始終不庵可謂盛也已今

陛下追惟創業之艱願揭刻銘使播不朽豈獨蓋覆易氏之千祿蓋以昭揚

先帝之功德而垂萬世也是用備著其事而獻銘曰於昭上帝視下孔仁降聖儲才相慈庇民之顛墮俾聖廟之復俾賢臣佐而襄之有元既衰天厭其亂督生

高皇拯微大難龍奮于潛入極幽受英傑如雲翼之以升惟東甌王既智且武灼知天命早識

真王眾方共夢夢未決所從獨斷不疑委身效忠臣或擇君杖策千里生于

帝卿其壯孰似寶劒形文折衝四方如虎如狼驅彼大羊披淮齊江以作京邑京邑既成

皇業乃集東島偏吳坐鎮毗陵不羈不傾仗義為城帝德日宣遠懷邇服王率之行勢若破竹既平始蘇元惡就誅威鎮東南暨于海隅乃清關隴乃平幽薺萬邦來同獻其琛貝

帝曰念哉勛我元勛美啓土疆虎變後昆中山建侯運公大國招冠金旂縹緲赤烏海宇晏寧變夷為華民休田間穀粟綈麻王亦白髮慈姑甲第伊誰致之

天子之賜天子有詔共樂太平文錦兼金侑以百朋內暨夫人亦受寵錫願書爛然觀者動色天實生才股肱